



Pou Piblikasyon Imedya: 28/02/2022

GOUVÈNÈ KATHY HOCHUL

GOUVÈNÈ HOCHUL ANONSE PWOGGRAM SIBVANSYON "FAST NY" POU ATIRE ENDISTRI KLE YO NAN SIT KI PARE POU EGZEKISYON YO

*Bidjè ane fiskal 2023 a pral mete disponib jiska 200 milyon dola endistri teknoloji
avanse k ap devlope nan tout Eta a*

*Nouvo pòtay sou entènèt FAST NY la te lanse pou mande enterè ak bay mizajou
sou pwogram lan*

Gouvènè Kathy Hochul te anonse plan pou novo pwogram sibvansyon Focused Attraction of Shovel-Ready Tracts New York la ak elajii endistri kwasans kle yo nan Eta New York. Gouvènè a te anonse pwogram lan nan Konferans Konsèy Developman Ekonomik Eta New York la nan Albany.

Atravè Empire State Development, bidjè ane fiskal 2023 Gouvènè Hochul la pral mete disponib 200 milyon dola pou novo pwogram sibvansyon FAST NY la pou devlope sit yo ki pral atire fabrikasyon teknoloji avanse, espesyalman biznis fabrikasyon semi-kondiktè, depo, distribisyon ak lojistik nan eta a pou relanse eta preparasyon New York ak ogmante atraktivite gwo anplwayè nan eta a.

"Administrasyon mwen an konsantre anpil sou mennen yon rekiperasyon ki fonksyone pou tout eta a, investi nan chak kominate ak kreye travay lavní ki peye byen", **Gouvènè Hochul te deklare**. "Pou nou se eta nan peyi a ki pi pratik pou biznis ak travayè yo, n ap fè envestisman istorik nan enfrastrikti, teknoloji ak reyalizasyon pwojè. Plizyè santèn milyon ki te investi nan developman sit ki pare pou egzekisyon yo pral ede nou divèsiye ekonomi nou an ak relanse pi gwo retou New York".

Komisè pa Enterim ak Direktè Egzekitif ak PDG yo deziyen pou Empire State Development lan, Hope Knight te deklare, "Aktyèlman, avèk gouvènman federal la ki pare pou investi plizyè milya dola nan inisyativ tankou Lwa CHIPS ki pwopoze a ak envestisman nan enfrastrikti ak Lwa sou Travay ki te fèk adopte a, moman an rive pou New York envesti nan yon nouvo jenerasyon sit ki pare pou egzekisyon, epi FAST NY pral ede inogire yon nouvo epòk kwasans".

Finansman sibvansyon FAST NY la pral itilize pou amelyore preparasyon sit ki egziste ak mati yo nan finanse amelyorasyon tankou enfrastrikti dlo, enfrastrikti egou, wout,

sou-estasyon elektrik ak liy kouran ak gaz, epitou prepare yon nouvo gwoup sit ki pare pou egzekisyon alavni nan abòde planifikasyon ak revizyon sit anvan devlopman ki nesesè.

Empire State Development te lanse yon pòtay FAST NY sou entènèt pou mande ak bay mizajou sou pwogram lan pandan l ap devlope. Sit la pral sèvi kòm kay pwogram sibvansyon FAST NY la, kote, apre adopsyon bidjè eta a, li pral petèt gen yon aplikasyon fòmèl. Enfòmasyon nou rasanble yo pral ede enfòme Eta a pandan l ap revize sit potansyèl yo ki pral mete New York nan pozisyon pou li yon kote ki pi konpetitif pou lokalize ak elaji yon biznis nan ede inogire yon nouvo epòk enfrastrikti ki pare pou mache a.

Senatè Eta Anna M. Kaplan, te deklare, "Pandan n ap chèche ranfòse ekonomi New York la apre epòk pandemi an epi pandan n ap chèche ankouraje fabrikasyon lokal pou evite entèripsyon nan chèn apwovizyonman yo, li enpòtan pou nou investi nan sektè fabrikasyon teknoloji avanse ki pral yon motè enpòtan pou kwasans ekonomik ak inovasyon alavni. Pran mezi kounye a pou atire endistri k ap devlope sa yo nan New York pral mete Eta nou an nan pozisyon pou siksè ekonomik alontèm ak bon kreyasyon travay alavni".

Harry B. Bronson, ki se Manm Asanble, te deklare, "Li enpòtan pou nou asire New York pare pou lavni. Sa kòmanse nan asire eta nou an prepare pou devlope ekonomi an nan endistri ki gen gwo demann yo. Atravè Fast NY, nou pral asire ke nou te pran mezi nesesè pou fè Empire State atiran pou endistri kle yo nan mache ki trè konpetitif sa a".

Envestisman ki pare pou fèt yo se yon motè kle nan chwa sit pou endistri semi-kondiktè a. Gouvènè Hochul te fè konnen dènyeman gwo sipò li pou envestisman federal yo nan fabrikasyon nasyonal semi-kondiktè lè li rejwenn 22 lòt gouvènè pou mande adopsyon Lwa CHIPS la, ki jwe yon wòl enpòtan nan ekonomi peyi a ak sekirite nasyonal nou, epi te ekri anvan sa yon kòmantè sou enpòtans pou adopte lejislasyon federal sa k ap envesti nan endistri nasyonal semi-kondiktè a.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)